

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA**

**PLAN ZA BORBU PROTIV KORUPCIJE MINISTARSTVA
ZDRAVSTVA
SA AKCIONIM PLANOM ZA PROVOĐENJE**

Tuzla, Mart 2024. godine

Sadržaj

1	Uvod.....	3
2	Načela.....	4
3	Vizija	4
4	Opći i strateški cilj	5
5	Nadležnost Ministarstva zdravstva u borbi protiv korupcije.....	5
6	Rizici u implementaciji Plana za borbu protiv korupcije.....	6
7	Preporuke	6
8	Financijska sredstva za implementaciju Plana za borbu protiv korupcije.....	7
9	Vremenski okvir Plana za borbu protiv korupcije	7
10	Monitoring implementacije Plana za borbu protiv korupcije	7
11	Akcioni plan za provođenje Plana za borbu protiv korupcije	8

1 Uvod

Prema Zakonu o Agenciji za prevenciju korupcije i koordinaciju borbe protiv korupcije ("Službeni glasnik BiH" br.: 103/09 i 58/13) "korupcija je svaka zloupotreba moći povjerene javnom službeniku ili licu na političkom položaju, državnoj, entitetskoj, kantonalnoj razini, razini Brčko Distrikta Bosne i Hercegovine, gradskoj ili općinskoj razini, koja može dovesti do privatne koristi. Korupcija posebno može uključivati izravno ili neizravno zahtijevanje, nuđenje, davanje ili prihvaćanje mita ili neke druge nedopuštene prednosti ili njezinu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita".

Korupcija je štetna društvena pojava koja narušava temeljne društvene vrijednosti. Ekonomski gledano, korupcija vodi osiromašenju nacionalnog bogatstva. Svjetska banka identifikovala je korupciju kao jednu od najvećih prepreka ekonomskog i društvenog razvoja. Ona narušava razvoj tako što narušava vladavinu zakona te oslabljuje institucionalne temelje od kojih zavisi ekonomski rast.

Ne postoji društvo koje prihvata i opravdava zloupotrebu položaja i ovlaštenja, kao ni društvo koje smatra opravdanim da se javna služba ili politički položaj koristi za lično bogaćenje. Korupcija usporava ekonomski napredak, osiromašuje državni budžet, odbija vanjske investicije, pridonosi opštem nezadovoljstvu građana te stvara sve veću socijalnu nejednakost.

Zbog toga je od velike važnosti jačanje integriteta, odgovornosti i transparentnosti u radu tijela državne vlasti i, s tim u vezi, jačanje povjerenja građana u državne institucije. Naime, pretpostavka za uspješnu borbu protiv korupcije je provođenje sveobuhvatnih političkih, institucionalnih i društvenih reformi.

S tim u vezi, Tim za prevenciju korupcije Vlade Tuzlanskog kantona, obavljajući aktivnosti iz svoje nadležnosti, sačinio je prijedlog Strategije za borbu protiv korupcije 2021-2024. godina, kao i prateći Akcioni plan za njeno provođenje te je Vlada Tuzlanskog kantona Strategiju i prateći Akcioni plan usvojila kao svoje opredjeljenje. Odlukom Vlade Tuzlanskog kantona broj: 02/1-04-9945/21 od 18.05.2021. godine utvrđen je prijedlog Strategije za borbu protiv korupcije 2021 - 2024. i Akcioni plan za provođenje Strategije za borbu protiv korupcije 2021 - 2024, dok je Odlukom Skupštine Tuzlanskog kantona broj: 01-02-336-4/21 od 23.06.2021. godine usvojena Strategija za borbu protiv korupcije 2021 - 2024. i Akcioni plan za provođenje Strategije za borbu protiv korupcije 2021 - 2024 te se navedenom Odlukom zadužuju svi organi uprave i druge institucije Tuzlanskog kantona da urade svoje akcijske planove borbe protiv korupcije i iste usklade sa navedenom Strategijom.

U samom koncipiranju Strategije primijenjen je tzv. integrirani pristup, tretiranjem svih važnih oblasti borbe protiv korupcije - prevencije, represije i koordinacije. Topodrazumijeva utemeljenost antikorupcijskih aktivnosti na činjenicama, te takav pristup podlikuju transparentnost, nepristrasnost, stručnost, inkluzivnost, sveobuhvatnost, mjerljivost i orijentiranost na učinak. Strategija se posebno

fokusirala na stvarne nadležnosti Tuzlanskog kantona kako bi napredak u životu građana bio vidljiv i konkretiziran.

2 Načela

Strategijom za borbu protiv korupcije 2021-2024 su određena načela kojih se Ministarstvo zdravstva mora pridržavati prilikom primjene Strategije i provođenja Akcionog plana za borbu protiv korupcije Ministarstva zdravstva, a koja obuhvataju:

- **Vladavina prava** - usklađenost pravnih akata i svih radnji pravnih subjekata sa zakonom.
- **Zasnovanost na činjenicama** - planiranje, praćenje i procjena ispunjenosti antikorupcijskih zadataka treba da se zasniva na činjenicama. Već u fazi analize i procjene stanja i pojava oblika, subjekti provođenja obavezni su utvrditi činjenice i na osnovu njih temeljiti mjere za suprotstavljanje korupciji.
- **Dobra praksa** - usaglašavanje antikorupcijskih aktivnosti sa dobrim praksama na polju suprotstavljanja korupciji u zemlji i u ostalim tranzicijskim zemljama, učenje na greškama, uočenim obrascima koruptivnog ponašanja i njihovog uzroka u sistemu.
- **Sveobuhvatnost i inkluzivnost** – koordinirana uključenost najvećeg broja aktera i uticaj na što je moguće veći broj faktora koji doprinose korupciji.
- **Sektorska orijentiranost** - Uzimajući u obzir specifične nadležnosti koje vlast Tuzlanskog kantona ima, neophodno je da se prevencija i borba protiv korupcije usmjerava na konkretne programe i aktivnosti koje se odnose na sektorski orijentisane oblasti, a koje su građanima na području Tuzlanskog kantona veoma značajne za ostvarivanje njihovih ključnih prava i usluga.
- **Transparentnost i participativnost** – pravovremeno upoznavanje javnosti sa donošenjem odluka i politika u institucijama na svim nivoima u BiH je osnova za uticaj na njihovo donošenje i moćno je sredstvo za sprečavanje korupcije.
- **Nepristrasnost i stručnost** - politička i druga neutralnost i kompetentnost za ispunjavanje antikorupcijskih zadataka neophodni su za dug i složen proces kao što je borba protiv korupcije. Isto tako, potrebno je stalno raditi na unapređenju znanja, stavova i vještina za suprotstavljanje korupciji.
- **Orijentiranost na učinak** - utvrđivanje jasnih, mjerljivih i ostvarivih ciljeva.

3 Vizija

Strategijom za borbu protiv korupcije 2021-2024 predviđena je sljedeća vizija: „Tuzlanski kanton u sklopu sveopće borbe protiv korupcije u Bosni i Hercegovini je sa uspostavljenim funkcionalnim sistemom i ostvarenim vidljivim i mjerljivim rezultatima u prevenciji i borbi protiv korupcije, minimizirao mogućnosti za nastanak korupcije i povećao povjerenje građana u institucije vlasti i vladavinu prava.“

4 Opći i strateški cilj

Opći cilj predviđen Strategijom za borbu protiv korupcije za period 2021-2024. godina je sljedeći:

„Prevenciju korupcije u Tuzlanskom kantonu obezbijediti koordiniranim i sistemskim pristupom Vlade Tuzlanskog kantona i proaktivnim djelovanjem Tima za prevenciju korupcije Vlade Tuzlanskog kantona i svih institucija kantona, kroz aktivnosti u općim i sektorskim oblastima za koje je Tuzlanski kanton nadležan, uz ostvarenu saradnju sa Agencijom za prevenciju korupcije i koordinaciju borbe protiv korupcije BiH i drugim relevantnim tijelima i organizacijama.”

Na osnovu formuliranog općeg cilja Strategije, proizlaze sljedeći strateški ciljevi:

1. Uspostavljanje i jačanje institucionalnih kapaciteta, normativnog i strateškog okvira za efikasnu prevenciju korupcije i koordinaciju borbe protiv korupcije.
2. Razvijanje, promoviranje i provođenje preventivne antikorupcijske aktivnosti u javnom i privatnom sektoru.
3. Unapređenje institucionalnog i normativnog okvira prevencije i borbe protiv korupcije u sektorskim oblastima.
4. Uključivanje cjelokupnog društva u borbi protiv korupcije, koordinaciju i izvještavanje o provođenju Strategije.

S obzirom na prethodno navedeno, Ministarstvo zdravstva će u realizaciji utvrđenih strateških ciljeva poduzimati sve mjere i aktivnosti iz nadležnosti utvrđenih članom 14. Zakona o ministarstvima i drugim organima uprave Tuzlanskog kantona - prečišćen tekst (“Službene novine Tuzlanskog kantona”, broj: 10/18).

Cilj donošenja Akcionog plana za borbu protiv korupcije Ministarstva zdravstva je uspostavljanje mehanizama koji će obezbijediti efikasno funkcionisanje Ministarstva kroz jačanje odgovornosti, pojednostavljenje procedura, povećanje transparentnosti kod donošenja odluka, kontrolisanje diskrecionih ovlašćenja, poštovanje etičkih vrijednosti, eliminisanje neefikasne prakse i neprimjenjive regulative, te uvođenje efikasnog sistema nadzora i kontrole rada i ponašanja službenika.

5 Nadležnost Ministarstva zdravstva u borbi protiv korupcije

Zdravstveni sektor je prema referentnim istraživanjima i percepcijom javnosti jedna od oblasti koja je najviše podložna rizicima za nastanak korupcije. Pored toga, cjelokupno društvo je naročito osjetljivo i ranjivo na pojavu korupcije u zdravstvenom sektoru, posebno uzimajući u obzir da se radi o sektoru koji je od vitalnog značaja za građane te kada se uzme u obzir i novonastala situacija sa pandemijom COVID 19. Veliki broj anonimnih prijava građana se upravo odnosi na prijavu korupcije u zdravstvu. Vlada Tuzlanskog kantona je svjesna lošeg materijalnog položaja zdravstvenih radnika, a naročito uzimajući u obzir da su zdravstveni radnici

konkurentni i na tržištima zemalja Evropske unije zbog čega će Vlada Tuzlanskog kantona nastojati da kontinuirano jača materijalni položaj zdravstvenih radnika.

Korupcijski rizici i korupcija se u ovoj oblasti može pojaviti na svim razinama, od neopravdanog odsustva medicinskog osoblja sa posla (najčešće zbog obavljanja privatnih poslova), neformalnih davanja za tretman koji bi trebao biti oslobođen plaćanja, do kreiranja liste esencijalnih lijekova kojima se mogu potencijalno favorizirati određeni proizvođači, javnih nabava koje sugeriraju korupcijske veze dobavljača sa institucijama koje vrše nabave i mnoge druge. Strateški okvir za borbu protiv korupcije je, uzimajući u obzir kompleksnost zdravstvenog sektora i nadležnosti kantonalnog nivoa, posebnu pažnju obratio aktivnostima prevencije i borbe protiv korupcije u ovom sektoru.

S tim u vezi će se posebno raditi na osiguranju dostupnosti zdravstvenih usluga kako korisnici ne bi imali potrebu da vrše neprimjerene urgencije za pristup uslugama. Prethodno navedeno će se, između ostaloga, vršiti na način da će se analizirati i donijeti objektivni kriteriji za unapređenje listi čekanja. Naime, potrebno je osigurati transparentnost listi čekanja, a sve u cilju smanjenja mogućnosti za koruptivne radnje i zakazivanje pacijenata „preko reda“. Izgradnja integralnog jedinstvenog informacionog sistema u zdravstvu će biti apsolutni prioritet u radu na unapređenju pružanja zdravstvenih usluga, kao i smanjenju koruptivnih rizika. Rad privatnih ustanova i pružanje djelatnosti će također biti u fokusu Strategije za borbu protiv korupcije, a sve kako bi se osigurala transparentnost i objektivnost u radu. Primarni je cilj da se osigura jednako kvalitetna zdravstvena zaštita i usluga svim stanovnicima Tuzlanskog kantona.

6 Rizici u implementaciji Plana za borbu protiv korupcije

Važan cilj je spriječiti korupciju odnosno upravljati njenim rizicima. Svaki reformski proces, a posebno borba protiv korupcije, složen je i zahtjevan proces kojeg prate prepreke za postizanje potrebnih učinaka kao što su:

- nedostatak odlučnosti donosilaca odluka
- nedovoljna samostalnost i kompetentnost subjekta provođenja
- nedovoljna angažiranost subjekata provođenja
- nedostatak finansijskih i drugih resursa
- nedostatak sistematičnosti i koordinacije (međuinstitucionalno i unutar institucije)
- nemogućnost prepoznavanja korupcije od strane zaposlenih i slično.

Ministarstvo će, posebno u fazi monitoringa i izvještavanja o provođenju Akcionog plana za borbu protiv korupcije, nastojati prepoznati pojavu određenih rizika i poduzeti mjere za njihovu korekciju, a sve u cilju pravovremenog i cjelovitog ispunjenja predviđenih aktivnosti u borbi protiv korupcije.

7 Preporuke

Da bi borba protiv korupcije bila uspješnija i efikasnija potrebno je postići slijedeće:

- povećati integritet i etičke standarde kroz nepristrasno i jednako ponašanje službenika i namještenika prema javnosti, te zaštititi javnog interesa
- unaprijediti rad institucije kroz primjenu i unaprijeđenje normativnih okvira u pogledu prevencije i suzbijanja korupcije, odnosno osigurati odgovarajuće kadrovske kapacitete, unaprijeđenje znanja i vještina
- uspostaviti procedure upravljanja korupcijskim rizicima
- jačati javnu svijesto uzrocima i posljedicama korupcije.

8 Finansijska sredstva za implementaciju Plana za borbu protiv korupcije

Provođenje predviđenih aktivnosti i ciljeva Ministarstvo zdravstva će vršiti u skladu sa planiranom dinamikom realizacije i potrebnim finansijskim sredstvima u okviru Budžeta Tuzlanskog kantona i u skladu sa Zakonom o izvršenju budžeta Tuzlanskog kantona.

9 Vremenski okvir Plana za borbu protiv korupcije

Plan za borbu protiv korupcije odnosi se na period 2021-2024. godina odnosno na period od četiri godine čime je vremenski okvir usklađen sa Strategijom za borbu protiv korupcije 2021-2024.

10 Monitoring implementacije Plana za borbu protiv korupcije

Plan borbe protiv korupcije odražava strateško opredjeljenje Ministarstva za efikasnu prevenciju korupcije.

U cilju osiguranja implementacije Plana za borbu protiv korupcije, Ministarstvo će uvesti sistem monitoringa provedbe Akcionog plana, što podrazumijeva poduzimanje kontinuiranih aktivnosti na praćenju i evaluaciji stanja implementacije pojedinačnih mjera i aktivnosti. Svrha praćenja i evaluacije nije samo prikupljanje podataka o napretku ili nerealiziranim mjerama po Planu, nego i poduzimanje mjera na otklanjanju ili umanjenju nedostataka, odnosno identifikaciji novih elemenata koji bi se mogli ugraditi u postojeće ili nove strateške mjere s ciljem što efikasnije prevencije korupcije.

Monitoring je zasnovan prvenstveno na procesu izvještavanja Tima za prevenciju korupcije na području Tuzlanskog kantona o provođenju Plana za borbu protiv korupcije Ministarstva zdravstva.

11 Akcioni plan za provođenje Plana za borbu protiv korupcije

STRATEŠKI CILJ 2					
Razvijanje, promoviranje i provođenje preventivne antikorupcijske aktivnosti u javnom i privatnom sektoru					
Strateški program 2.1.					
Interni antikorupcijski dokumenti i transparentnost u procesu donošenja propisa					
Broj	Aktivnost	Provodioci	Rok za provedbu	Indikatori uspješnosti	Potrebni resursi
2.1.1.	Usvajanje ili revidiranje vlastitog plana djelovanja protiv korupcije i to u skladu sa ciljevima i mjerama ovog Akcionog plana kao i državnim i Akcionim planovima za provođenje Strategije za borbu protiv korupcije	Ministarstvo zdravstva	Šest mjeseci nakon usvajanja Strategije	<ul style="list-style-type: none"> Broj izrađenih novih ili revidiranih postojećih akcionih planova 	Dopunska sredstva nisu potrebna, izvršiti u okviru funkcionalnih nadležnosti
2.1.2.	Izrada Planova integriteta u svim institucijama u skladu sa Smjernicama APIK-a	Ministarstvo zdravstva	Prva godina nakon usvajanja Strategije	<ul style="list-style-type: none"> Broj izrađenih planova integriteta 	Dopunska sredstva nisu potrebna, izvršiti u okviru funkcionalnih nadležnosti
2.1.3.	Uspostaviti stalnu praksu transparentnih procesa u izradi, usvajanju i objavljivanju propisa	Ministarstvo zdravstva	Kontinuirano	<ul style="list-style-type: none"> Broj javnih rasprava i učešće poslovnog sektora i organizacija civilnog društva u izradi, usvajanju i javnom objavljivanju u propisa 	Dopunska sredstva nisu potrebna, izvršiti u okviru funkcionalnih nadležnosti

Strateški program 2.3.				
Uspostavljanje proaktivne transparentnosti i uspostavljanje sistema za otkrivanje korupcijskog ponašanja od strane uposlenika u javnim institucijama				
Aktivnost	Provodioci	Rok za provedbu	Indikatori uspješnosti	Potrebni resursi
Pratiti realizaciju zakona o slobodi pristupa i objavljivanju informacija javnosti i institucije o tome	Ministarstvo zdravstva	Kontinuirano	<ul style="list-style-type: none"> Smanjen broj kršenja prava na pristup informacijama 	Dopunska sredstva nisu potrebna, izvršiti u okviru funkcionalnih nadležnosti

Podsticati i unaprijediti proaktivnu transparentnost u radu javnih institucija u TK u skladu sa standardima Partnerstva za otvorenu vlast (Open Government Partnership)	Ministarstvo zdravstva	Kontinuirano	<ul style="list-style-type: none"> Broj provedenih mjera iz Akcionog plana za provođenje Inicijative Partnerstvo za otvorenu vlast u institucijama TK 	Dopunska sredstva nisu potrebna, izvršiti u okviru funkcionalnih nadležnosti .
Imenovati službenika za informiranje i izraditi vodič i indeks registra (Listu informacija) informacija u onim institucijama u TK gdje to još nije urađeno	Ministarstvo zdravstva	Prva godina nakon usvajanja Strategije	<ul style="list-style-type: none"> Izrađen vodič i indeks registra informacija, imenovani službenici za informiranje 	Dopunska sredstva nisu potrebna, izvršiti u okviru funkcionalnih nadležnosti .
Uspostaviti i proaktivnopromovisati otvorene komunikacijske kanale u javnim institucijama TK u cilju motiviranja korisnika usluga ili državnih službenika da prijave korupciju	Ministarstvo zdravstva	Kontinuirano	<ul style="list-style-type: none"> Broj otvorenih komunikacijskih kanala i broj i način promocija 	Dopunska sredstva nisu potrebna, izvršiti u okviru funkcionalnih nadležnosti

3. Sveobuhvatno unapređenje integriteta u zdravstvenom sektoru Strateški program 3.1

Broj	Aktivnost	Provodioci	Rok za provedbu	Indikatori uspješnosti	Potrebni resursi
3.1.1	Analizirati strukturu zdravstvenih usluga kod kojih su liste čekanja izražene	Ministarstvo zdravstva, Zavod zdravstvenog osiguranja, Zavod za javno zdravstvo	Šest mjeseci nakon usvajanja Strategije	1. Imenovana komisija za izradu analize od predstavnika odgovornih institucija 2. Izrađena analiza javno objavljena	Dopunska sredstva nisu potrebna, izvršiti u okviru funkcionalnih nadležnosti
3.1.2	Na osnovu analize donijeti kriterije za formiranje listi čekanja - usluge	Ministarstvo zdravstva, Zavod zdravstvenog osiguranja, Zavod za javno zdravstvo	Prva godina nakon usvajanja Strategije	Doneseni kriteriji za formiranje listi čekanja za sve zdravstvene usluge i javno objavljeni	Dopunska sredstva nisu potrebna, izvršiti u okviru funkcionalnih nadležnosti
3.1.3	Utvrđiti kriterije na osnovu kojih se omogućavaju prioritete na listama čekanja - korisnici	Ministarstvo zdravstva, stručni kolegiji zdravstvenih ustanova	Osamnaest mjeseci nakon usvajanja Strategije	Utvrđeni prioritete za liste čekanja na zdravstvene usluge	Dopunska sredstva nisu potrebna, izvršiti u okviru funkcionalnih nadležnosti
3.1.4	Kroz analizu identificirati i Vladi predložiti potpunu informatizaciju naručivanja na dijagnostičke pretrage, specijalističke preglede i ostale zdravstvene usluge	Ministarstvo zdravstva, Zavod zdravstvenog osiguranja i kantonalne zdravstvene institucije	Osamnaest mjeseci nakon usvajanja Strategije	Specijalistički pregledi i usluge se naručuju isključivo elektronskim putem	Potrebno je osigurati dopunska sredstva

3.1.5	Identificirati i donijeti listu deficitarnih zdravstvenih usluga	Ministarstvo zdravlja, ZZO TK i kantonalne zdravstvene institucije	Osamnaest mjeseci nakon usvajanja Strategije	Lista deficitarnih usluga predstavljena Vladi sa prijedlogom preporuka	Dopunska sredstva nisu potrebna, izvršiti u okviru funkcionalnih nadležnosti
3.1.6	Omogućiti pružanje deficitarnih zdravstvenih usluga	Ministarstvo zdravlja, ZZO TK i kantonalne zdravstvene institucije	Druga godina nakon usvajanja Strategije	Korisnici imaju adekvatne usluge, broj zdravstvenih usluga koje su omogućene i smanjen period čekanja na zdravstvenu uslugu	Potrebno je osigurati dopunska sredstva
3.1.7	Utvrđiti kriterije i proceduru za imenovanje članova Komisije za lijekove	Ministarstvo zdravlja	Šest mjeseci nakon usvajanja Strategije	Utvrđeni kriteriji i Odluka o načinu imenovanja relevantnih predstavnika sa izbjegavanjem potencijalnog sukoba interesa	Dopunska sredstva nisu potrebna, izvršiti u okviru funkcionalnih nadležnosti
3.1.8	Utvrđiti proceduru za rješavanje zahtjeva za obavljanje zdravstvene djelatnosti	Ministarstvo zdravlja	Šest mjeseci nakon usvajanja Strategije	Izrađena procedura za postupanje	Dopunska sredstva nisu potrebna, izvršiti u okviru funkcionalnih nadležnosti
3.1.9	Donijeti Odluku kojom se obavezuju ustanove da donesu akt koji će definisati saradnju uposlenika sa farmaceutskim kompanijama	Ministarstvo zdravlja	Šest mjeseci nakon usvajanja Strategije	Donesena Odluka	Dopunska sredstva nisu potrebna, izvršiti u okviru funkcionalnih nadležnosti
3.1.10	Donijeti Odluku o potrebi uspostavljanja integrisanog zdravstvenog-informacionog sistema na području TK	Vlada TK, Ministarstvo zdravlja, ZZO TK	Šest mjeseci nakon usvajanja Strategije	Donesena Odluka	Dopunska sredstva nisu potrebna, izvršiti u okviru funkcionalnih nadležnosti
3.1.11	Uraditi analizu trenutnog stanja i kapaciteta informacionih sistema u zdravstvenim ustanovama TK	ZZO TK	Prva godina nakon usvajanja Strategije	Urađena analiza	Potrebno je osigurati dopunska sredstva za troškove Komisije ili konsultanata
3.1.12	Specificirati potrebe za ustanove i objaviti javni poziv za nabavku softvera i opreme	ZZO TK	Druga godina nakon usvajanja Strategije	Realizovana nabavka usluga i opreme	Potrebno je osigurati dopunska sredstva
3.1.13	Razviti integrisani zdravstveno-informacioni sistem na području TK	Zavod zdravstvenog osiguranja, Ministarstvo zdravlja	Treća godina nakon usvajanja Strategije	Uspostavljen integrisani zdravstveno-informacioni sistem na području TK	Potrebno je osigurati dopunska sredstva u iznosu od 10 miliona KM

Broj: 13/1-04-5580/24
Datum: 08.03.2024.god.



MINISTAR

Prim. Dr. Dušanka Bećirović

Bećirović Dušanka